

Shimoigiatk gī ga dīlth dī Shimoi-
giat ga shimt.

18 Ada wil goiduksh Mary Magda-
lene ga adat pliaūsh ga disciples ga,
Ltha nīazī ga Miyān ga; dīlth wila
houit ga gwai ash niat.

19 Ada ltha hō'bel gish ga whati
tkashnīsh ga sha ga, kshgaugut gish
ga gunōtk gaga, ada ltha shgadi-
shdōshk gish ga lukshauk gish ga
wil lūwansh ga disciples gish ga, wil
libāshit gish ga Jews ga, dha goi-
duksh gut Jesus ga ada lūshpagait
haitk gut gish ga shpagat ga, ada
houit gish dupniat, Giaksha dā gwa-
shim.

20 Ada ltha houit ga gwa, ada
wilt gwungwuniazunsh ga ga'anont
ga dīlth da'anhāt gish dupniat. Ada
wil lūāmsh ga gagaulsh ga dis-
ciples ga, ash ga lthat nish ga Miyān
ga.

21 Gun gik housh Jesus gish
dupniat, Giaksha dā gwashim: nī-
wālda n't wila haizī ga Nagwāt ga,
nīnī n'dī wila hash-haiz shimt.

22 Ada ltha houit ga gwa, ada wilt
lī-kshanāltk gut ga, ada houit gish
dupniat, Shim gā Am da Haigut:

23 Ligīt nā nha hadadaḡ ga didā
shadalth da shimt, dum shadalth ga
dash dupniat; ada ligīt nā nha ha-
dadaḡ ga didā wha shadalth da shimt
althga dum sha dalthk ga dish
dupniat.

24 Adat Thomas ga, gault gish ga
kapault ga da dupkadōl, wāt gish
Didymus, althga n'dī hokshk ga dish
ga nagazāout gish ga n'da goiduksh
Jesus ga.

25 Ada wil housh ga shila disci-
plest ga, Na ltha nīazum ga Miyān
ga. Ada houit gish dupniat, Ami
n'dum wha nī na wil maḡshk ga dā-
pḡunshk ga, da zum ga'anondit ada
n'za lūlthauda zawāl dī ā na wil
maḡshk ga dāpḡunshk gut, ada n'za

lūlthaudilth anonī alth da'anhāt,
althga dum dī shimhoudikshī.

26 Ada ltha goudish ga yūkltha
ashā dit ga ada gik shagait zilum
goudish ga disciples ga, ada dī ho-
kshk gish Thomas gish dupniat.
Ada wil goiduksh Jesus ga, ltha al
shgadishdōshk gish ga lukshauk ga,
ada lūshpagait haitk gut gish ga
shpagat ga, ada houit ga, Giaksha
dā gwashim.

27 Ada wil houit gish Thomas,
Gwun lthauda zawāl dint, ada ma
nī ga'anouūt; ada ma gwunlthauda
anont, ada ma zilum lthauda da da'a-
nhādūt: ada gilau whati shimhou-
dikshint, yagai shimhoudikshin.

28 Ada dilamak gish Thomas ga,
ada houit gish niat, Miyānī dīlth
Shimoigiatk gī.

29 Ada housh Jesus gish niat, Ma
gup wil nīazū, gun ltha shimhou-
dikshint: gumgaulth wāl zō t'in
wha nish dit, ada gup shimhoudiksha
dit.

30 Ada wihēlda gik shikshinlai-
duksh ga wāsh Jesus gish ga haza-
zaklthk gish ga disciples ga, gū wha
līdum-damtk ga dīya shāōushk a
gwa:

31 Ada al gwai gun damtk ga
gwa, dum wil gashimhoudiksha shim
da nīnīsh Jesusa Christī Lthgōlthk
gish ga Shimoigiat ga Lakāga; ada
zida ltha gashimhoudiksha shim dum
doga shim gundidōlshīt ash ga na
wāt ga dum gunwāldit.

CHAPTER XXI.

1 N'tkulān gwa ada wil gik ge-
luksh gwuniazuntk gish Jesus gish
ga disciples gut gish ga āwāsh ga
lakakshum Tiberias ga; ada gwai
ga wila geluksh gwuniazuntk gut ga.

2 Shagait wāl ga dup Simon Peter
ga, dish Thomas ga wat gish Didy-